



KOMMUNEQARFIK  
SERMERSOOQ

12-01-2024

# Kriseberedskab red. 2024 - KAL



Forvaltning for Børn og Familie  
KOMMUNEQARFIK SERMERSOOQ

## Imarisai:

|   |    |
|---|----|
| Kommunip upalungaarsimasuutitai suuppat? .....  | 2  |
| Qanoq ikiuigasuartoqartarpa? .....  | 3  |
| Kina ikiuigasuartussaava? .....   | 4  |
| Kikkut ikiorneqarasuarnissamik piunasaqarsinnaappat? .....  | 5  |
| Ikiuigasuarnissaq qanoq aallartinneqassava? .....   | 8  |
| Illoqarfinit allanit ikiorneqarasuurtussat .....  | 9  |
| Qinnuiginninneq illoqarfinit allanit pisuuppat najukkami ikiuigasuarnissamut upalungaarsimasut<br>suliarinnissinnaanerit imaluunniit avataanit ikiorsiisoqartariaqarneranik<br>pisariaqartitsisoqarnerisooq nalilersorneqassaaq. Taamatut pisoqarpat fagcheffi<br>peqataatinneqassaaq. .... | 9  |
| Ikiuigasuarnerup kingorna .....   | 9  |
| Ikiuigasuartussatut upalungaarsimasut ingerlannerat .....   | 10 |
| Ajunaarnersuarmi upalungaarsimaneq .....  | 10 |
| • Paamiuni Tilioq .....   | 10 |
| • Tasiilami kommunip allaffia, ataatsimiittarfik 1.....   | 10 |

## Kommunip upalungaarsimasuutitai suuppat?


Kommunip ulluinnarni ikiugasuarnissamut upalungaarsimasuisa suliassarai tassanngaannartumik siumullu naatsorsuutiginnngisanik pisoqartillugu, soorlu sakkortuumik ajutoortoqartillugu, aamma toqutsisoqarsimatillugu tarnip pissusiinik ilisimasalinnit ikiorsiinissaq.

Ulluinnarni upalungaarsimasuutit kiisalu immikkut ittumik ajunaarnersuaqartillugu upalungaarsimasuutit immikkoortinneqartarput.

Nassuiarneri:

- Ulluinnarni ikiugasuartussatut upalungaarsimasuutit sulisinneqalersarput tassanngaannartumik sakkortuumik toqusoqarsimatilluguluunniit pisoqarnerani sulilersarput, tassani inuit tallimanik ikinnerit ajunaarsimatillugit imaluunniit inuunermik navianartorsiornartumik ajoqusersimatillugit.  
Ikiugasuartussatut upalungaarsimasut ataqatigiissarisui (pingasut sapaatip akunnerakkaartumik paarlakaallutik pigaartuullutik oqarasuaatillit) suliniutit ataqatigiissartarpaat fagchef ulluinnarni sulinerup nalaani pisunik ilisimatitsisarlutik.
- Ajunaarnersuaqartillugu upalungaarsimasuutit sulilersarput ima pisoqartillugu: naatsorsuutigineqanngitsumik sakkortuumik pisoqartillugu ajunaartoqarsimatilluguluunniit annertuumik tassanngaannarlu ajoquseritoqarsimatillugu, toqusoqarsimatillugu anniartoqalersimatilluguluunniit, ass. nunap sajunneratigut imaluunniit sorsuttoqarneratigut. Inuit tallimanit amerlanerit ajunaarsimatillugit imaluunniit inuunermik navianartorsiutaasumik ajoqusersimatillugit.  
Fagchef aggeqquneqassaaq qatserisartut pisortaat peqqinnissaqarfillu ilanngullugit politiillu suliniummik aqutsisuussallutik. (Takuuk qupperneq 9)

**Ilitsersuummi uani pineqarput Ulluinnarni ikiugasuartussanik upalungaarsimasuutit.**



## Qanoq ikiuigasuartoqartarpa?

Ikiuigasuarneq neqeroorutigineqartarpoq inunnut pisunut attuumassuteqartunut, nalaataqartut ilaqutaannut imaluunniit toqqaannartumik isiginnittunut, pisup pinerata kingunitsiaa takunnittuusunut. Ikiuigasuarnermi aallaavigineqarpoq ataasiarluni oqaloqatiginninneq, kisianni pisariaqartitsineq naapertorlugu malitseqartitsilluni oqaloqatiginnerit marluk ingerlanneqarsinnaapput. Ikiuigasuarluni oqaloqatiginninneq siulleq pisup kingorna nal akunneri 48-t iluanni ingerlanneqartarpoq. Nalinginnaasumik ullup suliffiusup tulliani sulinerup nalaani ikiuigasuartussap ikiorneqartussat attavigisarpai.

Tarnikkut ikiuigasuarneq aamma taaneqartarpoq "defusing". Tassani ikiuigasuartussap najuunnermini makku suliarissavai:

- Innuttaasut peqataasut qanoq pisoqarsimaneranik paasitinniassallugit
- Pisoq tamaat timillu qisuariaatai paasissallugit paatsiveerusimaarnerit ersiornerillu sakkukillisinniarlugit
- Peqataasut "kukkusumik" qisuariarlutik nalaataminnut tunngasunik misiginnginnissaat ukkatarissallugu.

Annertunerusumik ajutoortoqarnermi eqimattanngorluni pisoq pillugu oqaloqatigiinnissamik neqeroortoqassaaq, taanna taaneqartarluni "debriefing" (isumassuilluni oqaloqateqarneq).

Isumassuilluni oqaloqatigiinnerup siunertaraa:

- Ataqatigiissaarineq pilersissallugu, kiisalu pisoq pillugu peqataasut misigisaat ataatsimullu paasinninnerat pilersissallugu
- Anersaartorluni pisumillu suliarinnilluni
- Peqataasup nammineq peqataaneramik suliaqarneranillu paasinninneramik pilersitsissalluni
- Qisuariaatit nalinginnaasumut uterteqqinnissaat
- Ikorfartorneqarnissamat periarfissamik saqqummiineq ikorfartuinerlu
- Eqimattat isumalluutaannik atuineq ataqatigiinnermillu nukittorsaaneq

Ikiuigasuarneq katsorsartinnissamik neqeroorutaanngilaq. Ikiuigasuarluni oqaloqatigiinninnermi ajornartorsiutinik allanik takkuttoqassagaluarpat, pisumut toqqaannartumik attuumassuteqanngitsunik, innuttaasoq najukkami Meeqqanut Ilaqtariinnullu Sullissivimmi Ammasumik Kinaassutsimik isertuussilluni Siunnersuinermut saaffiginnissuteqaqqullugu innersuunneqarsinnaavoq. Innuttaasoq kommunimi sullissisoqareersimappat, pineqartoq ikiorserneqarnermik annerusumik aallartitsisoqaqqullugu tassunga saaffiginnissuteqaqqullugu kaammattorneqarsinnaavoq.

### Kina ikiuigasuartussaava?

Ikiuigasuartussaaq tarnip pissusaanik ilinniarsimasuusariaqanngilaq imaluunniit tarnip pissusaanik katsorsaanissamat ilinniarsimasuusariaqanngilaq. Ikiuigasuartartoq Meeqqanut Ilaqtariinnullu Ingerlatsivimmi ulluinnarni sulisuuvoq inunnillu nalaataqartunik sullissinermik misilittagaqarluni. Ikiuigasuartussamat makkuninnga piumasaaqateqarpoq:

- Pikkorissarnerit attuumassutillit neqeroorutaasut, assersuutigalugu pinartoqartillugu oqaloqatigiinninnerit, peqataaffigisassallugit
- Innuttaasup eqqugaasup paatsiveerusimaarneramik misigissusaanillu nikinnaveerneramik paasinnissinnaassaaq
- Qanilaartuussaaq inuillu tuparujussuarsimasut eqqissisarsinnaassallugit

- Ullormut suliassat saniatigut ullorsiutini pinartoqartillugu ornigukkasuarsinnaaneq aammalu ikiuigasuartussatut upalungaarsimasunit tikeriaannaaneq inissaqartillugu.
- Kommuneqarfik Sermersuumi illoqarfinnut allanut nunaqarfinnullu aallariataarsinnaassaaq
- Susoqarsimatillugu pisut pillugit nipangiusimasussaataanerup pingaaruteqarneranik paasinnissinnaassaaq

### Kikkut ikiorneqarasuarnissamik piunasaqarsinnaappat?

Ikiuigasuarnissamik aallartitsinissamik piunasaqarsinnaasut makkuupput:


- Politi
- Peqqinnissaqarfik
- Qatserisartoqarfik
- Isumaginninnermi ingerlatsivik

Taakkunanga suliallit ikiuigasuarnissamut qinnuteqarsinnaapput ataani attavigineqarsinnaasut taaneqartut allattorsimaffianiittut, Kommuneqarfik Sermersuumi sumiinnerat apeqqutaalluni:


**Nuuk taassumalu nunaqarfii:**

Tlf: 587917  
Email: ceje@sermersooq.gl

**Paamiut tassenilu nunaqarfiit:**




## Tasiilaq, Ittoqqortoormiit taakkulu nunaqarfii:



Tasiilami ikiuigasuarsinnaasut najukkamut pissutsinut naleqqussagaapput. Qulaani aqutsisoqatigiit taaneqartut attaveqaatinut allanullu suliaqartunut tunngatillugu ataqatigiissaarisuupput ikiuigasuartussanut tunngatillugu, Politiuppata, Peqqinnissaqarfiuppat imaluunniit kommunip ingerlatsiviinut allanut tunngasuuppata.

Tasiilami attaveqaatinut tunngasut aamma isiginiarneqassapput, nunaqarfiit ikiuigasuartussanit iluaquserneqassappata. Nunaqarfinni ataasiakkaani attaveqarfissat pilersinneqarsimapput, taakkulu ikiuigasuarnissaq suliarissavaat, Tasiilamilu ikiuigasuartussanut tamanna kissaatigineqarpat ikiutissallutik. Tamanna ima takutinneqarsinnaavoq:



Attaveqaatit eqimattat ukuninnga suliaqartut aallaaviatigut ilaatinneqarsinnaapput:



- Politi / Kommunefoged najukkami immikkoortortamiittut (immikkoortortami allaffiup ammanerani attaveqaatit eqimattat aggersarnissaannut akisussaasut)
- Najukkami atuarfik
- Najukkami meeqqerivik
- Qatserisartoqarneq
- Peqqinnissaqarfik

### Ikiugasuarnissaq qanoq aallartinneqassava?


Qulaani aqutsisut taaneqartut ikiugasuarnissamik qinnuigineqartut suliassaraat qinnuiginnittumit pisumik sapinngisaq naapertorlugu annerpaamik paasissutissanik katersissallutik. Paasissutissat tassaasinnaapput:

- Qanoq pisoqarsimanera
- Sumi taamatut pisoqarsimava
- Pisimasumi inuit qassit peqataappat
- Meeqqat inersimasulluunniit pineqarpat
- Attaveqarnissamut paasissutissat

Taakku saniatigut ikiugasuartoqarnissaanik qinnuteqartoq peqatigalugu ataqatigiissaarneqassapput ikiugasuarneq qaqugu aallartissanersoq pillugu kiisalu tamanna suut sinaakkutaralugit pissanersoq ilanngullugu eqqarsaatigalugu.

Ikiugasuartoqarnissaanik qinnutiginninnermik tigusisoq attaveqarfissat pingasuusut (qulaani immikkoortoq takuuk) allattorsimaffiisa iluaniittut susassaqartut isumasioqatigalugit peqataassaaq. Ataatsimut isumaqatigiissutigineqassapput ikiugasuartussat kikkut sulisinneqalissanersut, suliarnut kikkut tulluunnerunersut nalilersuereernerit isiginiarlugit. Ikiugasuartussat minnerpaamik marluk suliassamut aallartinneqassapput. Ikiugasuartussat aqutsisui ikiugasuartussani oqartussani qullersaapput, taakkulu suliap qanoq ingerlannissaa tunngavilissavaat. Taakku fagchefimut ingerlaavartumik ilisimatitsisassapput, nalinginnaasumik sulinerup nalinginnaasup iluani.

Suleriaaseq ima takutinneqarsinnaavoq:



Ikiigasuartussatut upalungaarsimasuni ataqtigiissaarisoq qinnuiginninnermik tiguisuuppat kikkullu ikiigasuartussatut tulluussorisani nalunngippagit taassuma taakku toqqaannartumik attavigisinnaavai, ikiigasuartussatut ulluinnarni aqutsisua tamatigut peqataatillugu.

### Illoqarfinnit allanit ikiorneqarasuartussat

Qinnuiginninneq illoqarfinnit allanit pisuuppat najukkami ikiigasuarmissamut upalungaarsimasut suliarinnissinnaanerit imaluunniit avataanit ikiorsiisoqartariaqarneranik pisariaqartitsisoqarnerisoq nalilersorneqassaaq. Taamatut pisoqarpat fagcheffi peqataatinneqassaaq.

### Ikiigasuarnerup kingorna

Ikiigasuartussatut upalungaarsimasup qaninnertut aqutsisuminit oqaloqateqarnissani piunasaqaatigisinnaavaa, taassumallu supervisioneqartoqarnissaanik pisariaqartitsisoqarnerisoq nalilersussavaa.

### Ikiugasuartussatut upalungaarsimasut ingerlannerat

Ikiugasuartussatut upalungaarsimanermi aqutsisut fagcheffi peqatigalugu akisussaaffigaat ikiugasuartussanik upalungaarsimasunik ingerlaavartunik nutaanik sulisoqarnissaa, sulisullu taakku suliassaminnut sungiusarsimanissaat akisussaaffigalugu. Aqutsisut aamma akisussaaffigaat ikiugasuartussatut upalungaarsimasut attaviisa allattorsimaffiata ingerlaavartumik nutarternissaat.

Ataqatigiissaarisut sapaatit akunneri tamaasa ikiugasuarnissamik suliaqarnerit pillugit kisitsisit fagchefimut tunniuttassavai.

### Ajunaarnersuarmi upalungaarsimaneq

Ajunaarnersuaqartillugu upalungaarsimasuutitat sulilersarput ima pisoqartillugu: naatsorsuutigineqanngitsumik sakkortuumik pisoqartillugu ajunaartoqarsimatilluguluunniit annertuumik tassanngaannarlu ajoqusertoqarsimatillugu, toqusoqarsimatillugu anniartoqalersimatilluguluunniit, ass. nunap sajunneratigut imaluunniit sorsuttoqarneratigut. Inuit tallimanit amerlanerit ajunaarsimappata imaluunniit inuunermik navianartorsiutaasumik ajoqusersimappata

Fagcheffi aggeqquneqassaaq qatserisartut pisortaat peqqinnissaqarfillu ilanngullugit politiillu suliamik aqutsisuussallutik. Taakku politiit ornillugit naapissavaat tassani ataatsimut ataqatigiissaarineq pissalluni, kommunimi ikiugasuarnissamik upalungaarsimasut, peqqinnissaqarfimmi sulisut, qatserisartut politiillu upalungaarsimasui peqataatillugit. Taakku nalilersortassavaat najukkami ikiugasuarnissamik upalungaarsimasut nuna tamakkerlugu upalungaarsimasunit ilaqartinneqassanersut, kiisalu ikiugasuarnissamik suliallit sapinngisamik kalaallisut oqaaseqartunik atuinissartik eqqumaffigisassallugu.

Ajunaarnersuarmi upalungaarsimasut sulisinneqalerpata ikiugasuarnissamik upalungaarsimasut ataatsimut katersuutsinneqassapput tassannga ilitsersorneqarnissartik utaqqissallugu.

- Imaneq 20, ataatsimiittarfik 1, Nuummi
- Paamiuni Tilioq
- Tasiilami kommunip allaffia, ataatsimiittarfik 1